

150.127  
36  
=5

澤縣志

卷十二

卷十一

第伍册



輝縣志卷十

輝縣知縣黔筠周際華



循政志

名宦 續紀附

唐

曹懷節唐初任共城令辛怡諫撰百門陂銘稱為愷悌君子民之父母趙澄又謂共城第一令其必有足徵者

宋

李之才字挺之青州人天聖八年進士為人樸直坦率自信無少矯厲師河南穆修受易修之易受之种放放受之陳搏源流最遠圖書象數變通之妙秦漢以來鮮

輝縣志

卷十

循政 名宦

一

有知者初為獲嘉主簿權共城令有治行時邵雍隱居苦學於蘇門百泉之上布裘蔬食躬爨以養父之才叩門來訪勞苦之曰好學篤志果何似雍曰簡策之外未有適也之才曰君非迹簡策者其如物理之學何他日則又曰物理之學學矣不有性命之學乎雍再拜願受業於是先示之以陸淳春秋意欲以春秋表儀五經無可語五經大旨則受易而終焉其後雍卒以易名世之才器大世鮮識者棲遲久不調或惜之謂宜少貶以圖榮進石延年獨曰時不足以容君曷不隱去乎再調孟州司法叅軍友人尹洙以書薦於中書舍人葉道卿因石延年致之曰孟州司法叅軍李之才年三十九能為百

文章語直意遠不肆不窘固足以蹈及前輩并泯所取  
昂目而安於卑位無往進意人罕知之其才又達世務  
使少用於世必過人遠甚道卿薦之得改大理寺丞爲  
緱氏令未行會延年與龍圖閣直學士吳遵路調兵河  
東辟之才澤州簽署判官澤人劉義叟從受歷法在澤  
轉殿中丞寶歷五年卒

(元)

蕭 達遼人初從元征西夏餽餉有功授輝州達魯花  
赤察民隱賑貧乏抑豪強剔吏蠹政平訟理民賴以安  
至元間卒於官葬北王社

司 仁字毅夫東原人至元間知輝州增飭學舍敦禮  
師儒選秀民充弟子員復設鄉學以教之暇則督勸耕  
桑民獲富庶時稱賢守云

尚 文字質夫深澤人任輝州守時河朔大旱輝獨以  
禱得雨境內大稔懷孟民馬氏宋氏誣伏殺人積歲獄  
不能決提刑使者命文往讞推迹究情得獄吏羅織狀  
兩獄皆釋

夏文仲字彥明金鄉人至元間判輝州廉介有守門無  
私謁雞鳴視事日晡始退察弊政悉更張之約束吏胥  
訪求民隱修傳舍禁游惰謹巡防盡心民事雖元季兵  
攘而民賴稍安時稱賢有司焉

楊 禮字和卿滄之長蘆人延祐至治間知輝州事賦

輝縣志

卷十

循政 名宦

二

性果達敏於從政公勤廉恪瘠已腴民豪宕不羈有燕  
趙義士風而能循守禮法政有成效以外艱去民思慕  
之  
杜 良字仲賢濮陽人天歷元年來知州事適寇侵鄰  
郡輝民驚擾良曰勿自亂我能庇爾俄聞寇潰闔境帖  
然又能察奸弊之吏時時杖決使不得逞政教大行因  
歲歉走泣中書省請粟以活人民甚懷之

〔明〕

李 麟字天瑞山西長子縣舉人永樂中知縣事勤於  
政務察民疾苦重修雙溪橋復新縣治建鐘樓興廢舉  
墜嚴飭條約革吏胥侵漁之弊後代去民懷之不忍釋

輝縣志

卷十

循政

名宦

三

脫寫以表遺愛

劉 玉字咸栗江西萬安人宏治九年進士十年來知  
縣事公廉仁恕溫厚謙恭博學閎深才猷敏練力拯凋  
敝昕夕靡寧歲歉民飢當道未有處分亟發廩賑之爲  
教條以善民俗禁喪葬無用佛老令行俗易市絕鐃鼓  
之音增修學校重新百泉書院誨誘諄切諸生多底於  
成歷任六年賦均訟平民安盜息治行爲河南第一巡  
按李公疏薦於朝其大者謂公蠲稅糧重貞節興學校  
勸農桑招流亡躬儉素闢田里足倉廩云宏治十五年  
以績最徵爲山西道監察御史民思之爲肖像立生祠  
正德中以救言者落職起爲河南提學僉事歷陞刑部

右侍郎轉左侍郎隆慶元年贈刑部尚書諭祭葬諡端毅所著有執齋文集二十卷其言行見皇明名臣錄續集

國朝

紀國相字弼廷遼東開原衛人由貢生任輝縣令寬猛相濟吏畏民懷時當流寇破殘之後修理城隍招撫流散通商賈設義學以才能陞湖廣永州府知府順治五年投城偽總兵陳猶龍復紳叛合粵兵犯永城陷身殉一門盡節子宏謨請卹賜祭一壇贈太僕寺卿廕一子入監康熙五十九年祀名宦

佟國璽遼東撫順人由貢生順治七年任輝縣令崇學

輝縣志

卷十

循政

名宦

四

校課農桑民貧不能開墾者給以牛種勸令復業邑遭水患五閘衝決公親督修築水歸故道稻田之利復興歷陞直隸保定府知府康熙三十六年祀名宦

續紀附

元

田良輔字君佐懷之夏邑人先任西臺御史至治二年來知輝州事振肅紀綱才兼有守豪強屏跡小民得安遠近以良吏稱

明

張錦字文縑山東朝城縣舉人天順四年任性梗強幹有力篤於愛民多忤上官現有德政碑立於縣

大門內陞裕州知州

許瑄字伯和南直歙縣人進士嘉靖三年任安靜持重寬猛不倚裁仰豪強撫存良弱開雲門河灌田數百頃奏免額外差徭銀千餘兩累經獎舉嘉靖五年以才堪治劇調臨海縣

范瑛字從道山西蒲州舉人嘉靖五年任勤政愛民遇事立斷倜儻敢言創修邑志未成後令張天真成之張天真字秉元直隸藁城人進士嘉靖六年任約已裕人正身宰物心不苛察政惟寬平時大饑人將相食而境內攘竊斂跡上官以忠厚者誠民安事治稱之

敖宗慶字梅坡貴州思南人進士官叅議分守河北爲

## 輝縣志

### 卷十

循政

名宦續紀

五

輝建三石閘開稻田數百頃與霍公同祀泉上祠祀又祀於報德祠

侯郡字孟藩陝西鳳翔縣舉人嘉靖十七年任器宇清和德性恬雅重然諾慎取予志堅而節苦長於知人初下車適當歉歲極力賑卹之罷其徵役一以教養爲務方春給民籽種每分俸以周寒士抑強扶弱虛懷納善訟者至庭原情據法剖析無遺令諸生白爲文會不時察其勤惰持文就正者門不爲禁公餘卽爲評品因材啟迪始終不倦惻怛慈愛之意常溢於法令之外而庶事自集期月而政聲大著疊獎交薦無何世皇南幸郡守命攝汲以濟旁午百度允協亟蒙知遇駕旣至是

夕行宮災有旨逮府縣官以行逮者示威索賂公廉無以應且無一甘言媚辭比至行在命下止奪秩而公已卒矣訃聞輝人茫然若喪慈母男哭於衢婦哭於戶聲振原野太史何塘志其事甚悉今祀鳳翔忠義祠

郭淳山西高邑縣舉人嘉靖二十三年任簡默深沉安靜不擾創建開渠首興水利百姓至今賴之

趙英南直亳州人嘉靖二十七年任輝縣典史廉以約已簡以臨民質直不欺親賢樂善上官多禮遇之

聶良杞字子實江西金谿縣人進士萬歷二年任輝令有學有守有爲其大者開墾六渠荒田種稻三百餘頃民至今享其利修復百泉書院以培文教謂

## 輝縣志

### 卷十

循政

名宦續紀

六

孔子不宜輕祀書院稽古定制立廟於庠序配享有體從祀有誼非若淫祠之可私創而擅增也今學宮祀

先師矣而書院復設

聖像上下祭於學宮矣而下丁又瀆祭於書院且十賢於夫子非可聚首於一堂而柳城與肥鄉豈宜僭處乎文廟乃請於督學郡守從所議將文廟仍改爲先賢祠重修書院志鼓舞振興士風大振祀金谿縣鄉賢

段然字幻然湖廣江夏人乙未進士萬歷三十年任端方有執寬嚴得體豪右無不斂手實心實政地方頽之萬歷三十一年黃河泛溢失其故道首薦公董其事公單騎詣其所獻梅花椿論於是河工果告竣焉不爲

爲輝節省數萬金卽鄰邑皆陰受公之賜不淺也  
京兵部主事擢戶科給事中祀百泉報德祠

陳必謙字汝遜江南常熟人癸丑進士萬歷四十五年  
任釐務剔弊丰采儼然人不敢干以私善政多端難以  
枚舉擢南京江西道御史

張克儉字禹型山西長治人以名進士於崇禎四年宰  
輝經文緯武治畧獨優六年春賊犯輝縣公築石城招  
義勇乘垣固守賊不能下屯百泉書院三日而去遷兵  
部主事召對稱旨擢湖廣僉事監鄭襄諸軍楊嗣昌鎮  
襄陽深倚仗之及入蜀委公以留後錄破賊功加右參  
議監軍如故再擢右僉都御史巡撫河南未聞命賊入

# 輝縣志

## 卷十

循政

名宦續紀

七

襄陽公爲所執大罵死之見明史及德政遺愛一碑創  
建石城諸記

高 第河南閩鄉人歲貢天啟七年司訓於輝陞山西  
高平縣教諭居官清正持身忠孝崇禎八年流寇犯境  
城破義不受辱罵賊死其子齊嵩亦死

國朝

秦長春字伯晦浙江山陰縣 恩貢順治十五年任居  
官清正政持大體心存長厚色艱克舉民隱必恤如蠲  
荒除驛移貢院修城垣集流亡皆公之實錄云

范 輝字射墟河內祥符人丙戌舉人順治十六年任  
教諭事秉性潔清英姿秀爽篤學勵行博藝宏通講書



論文竟日忘倦不欲聞人之過不忍道人之非中以守身和以應物表表懿範多士咸稱重焉

趙蔭奇字永之山西介休籍大同威遠人恩貢順治十六年任移貢院豁荒糧修復城垣招集流散治行稱最

陳謨字睿之直隸大興籍浙江山陰人例貢康熙十五年任清廉仁愛以德化民諄諄勸諭墾田種樹發給牛種招集流亡濬池隍立坊表陞雲南臨安府知府去之日士民遮道號泣相送有遺愛碑在古共城坊間

滑彬字魯齋浙江義烏籍錢塘人拔貢正紅旗教習康熙二十八年任蒞任歲餘頻遭荒歉竭力請蠲捐資

# 輝縣志

## 卷十

循政

名宦續紀

八

賑濟興水利立義學禁棄嬰孩置買義塚先賢祠宇廢墜者次第修舉圉生宿草庭可張羅纂修邑志善政多端

趙希濂山西猗氏人康熙乙未進士雍正二年在躬親閭里教民勤儉課文藝免濶布禁賭博清盜賊察吏燭奸案無停牘刊送大家文是著有四書註朱風清俗美民愛之如慈母有去思碑在百泉報德祠

王孚江蘇上元人進士乾隆九年任勵志有為廢興墜舉衙蠹肅清文教振起不擾百姓不累商賈後調任固始送者遮道

文兆顛字季棠廣西靈川人戊午解元己未進士乾隆

十五年任繕城垣築橋梁葺學宮纂志乘創建先賢高  
子祠疏濬城南溝洫置書院膏火田一頃八十畝二十  
年辦理軍需恪遵 憲指僱覓車馬毫無派累凡有關  
地方利益者次第舉行

杜 垌山東滕縣人癸酉舉人乾隆五十四年任免漕  
車革浮派力敦古道不事逢迎暇卽步至塾中與士子  
論文未及期年頌聲四起惜以病去職

高上桂雲南鄧川州人癸未進士乾隆五十五年任老  
誠持重政簡民安其大者修學校以振文風除荒糧以  
免民累沙窩等處立祠祀之

張丹桂山西曲沃人乾隆丙午舉人嘉慶三年任屢遭  
荒歲力請賑蠲繼又倡率紳民重修 文昌閣以艱去  
職

宦蹟

唐

衛國公李 靖以盜賊充斥爲害一方遣將護守民賴  
以安土人德之立祠以祀 詳見石表

宋

岳 飛官中軍統領時隨王彥渡河復新鄉明日戰於  
侯兆川飛身被十餘鎗士皆死戰又敗之引兵益北與  
金人戰於太行山擒其將拓跋耶烏居數日又與敵遇  
飛單騎持丈八鐵鎗刺殺其黑風大王金人敗走 詳見宋史

輝縣志

卷十

循政

名宦續紀

九

都統制王彥率十一將部七千人渡河復新鄉因飛檄  
勝傳檄州郡金人率騎數萬圍之彥以衆寡不敵潰圍  
出走諸將敗去彥獨保共城西山遣心腹結兩河豪傑  
圖再舉撫愛士卒與同甘苦未幾兩河響應忠義民兵  
首領傳選孟德劉澤焦文通等皆附之金人召其首領  
俾以大兵破彥壘首領跪而泣曰王都統若堅如鐵石  
未易圖也宗澤聞彥聚兵太行山卽以彥爲忠州防禦  
制置河北詳見宋史

元

衛輝路守王昌齡字顯之滄洲人世祖時守衛政務寬  
平百姓流移者皆復業泉水自輝州流會淇水秋潦輒  
溢田廬一空公築堤以禦之又於清水泉創開溝渠灌  
田數百頃卒葬汲縣學士王惲銘其墓

明

督學副使吳伯通字原明廣安人成化庚子督學中州  
病時流學務枝葉不根理致乃於中州創建四書院以  
祀前賢而勵後進百泉書院其一也初議專祀邵子旣  
而遡及周程張朱暨溫公南軒東萊魯齋凡十賢以姚  
樞竇默配顏曰百泉書院選諸生之秀敏者肄業其中  
親定教條每因行部督課未幾以憂去

提學僉事車 聖山西澤州人進士創思賢亭於百泉  
書院祀晉孫登嵇康宋邵康節李之才元姚文獻許魯

輝縣志

卷十

循政

宦蹟

十

齋寶子聲諸公復爲記以廣之增祀 先聖羣賢配

書院規制自此漸大  
衛輝府知府翟 鵬撫寧人以清嚴治事正德庚辰重  
修百泉書院崔後渠爲之記

清軍御史許 完江南丹徒人進士正德十年重修嘯  
臺建公和祠李空同爲之記

衛輝府知府陳 慶字履旋江西永豐人嘉靖中守衛  
博學好文處事以靜嘗率諸生講學百泉書院

衛輝府知府呂 顥字幼通陝西寧州人嘉靖癸巳守  
衛嚴毅不阿修廢舉墜加意學校斥毀淫祠重修百泉

書院

# 輝縣志

## 卷十

循政

宦蹟

十一

巡鹽御史吳達可江南宜興人萬歷庚子以督鹽之命  
至輝謁康節祠擴拓修輯刻石記之郭宗伯涪稱其品  
峻而養遂以理學著聞

河南叅議徐文溥浙江開化人進士正德末巡河北言  
太極書院始於姚文獻而獨無專祠殊屬缺典乃於西

關構地以祀有記

詳祠祀

巡按御史霍 冀山西孝義人進士嘉靖十三年按輝  
修衛源廟暨百泉書院湧金亭諸廢咸舉與敖公同祀  
於百泉

衛輝府知府張 昇山西陽城人時戶部某肆處於輝  
羅織輝民有水田者百餘畝欲盡誣以法公極力拯之

白撫按其其事乃獲釋民懷其德祀於衛源之西

副使祝萬齡萬歷年進士監軍磁州時輝縣之北與山

西陵川之南有村曰水峪回城竊據數十年大為民害

萬齡與山西監司王肇生合兵擊之天職其巢三百餘

賊遂平詳見明史

### 國朝

巡按甯承勳字康侯直隸大興人順治二年授輝

以輝當凋敝之餘田盡荒蕪糧額尙存因奏請豁免

地糧四千二百九十五頃民困以甦

巡撫賈漢復字膠侯滿洲籍山西曲沃人順治十二年

因輝邑荒災民多逋欠題免包荒地一千四百五頃

## 輝縣志

### 卷十

循政

官蹟

三

輝民感德有祠在百泉山麓詳祠祀

巡撫佟鳳彩字高岡滿洲籍奉天人輝邑西北侯兆州

地多疊石而成謂之梯田兵火後民逃亡殆盡地被水

衝土盡石見而田賦仍存民苦賠輸康熙十三年公親

行踏驗題免水衝地九十五頃被災者賴以全活

提學副使蔣伊字莘田江南常熟人按試百泉簡拔

皆孤寒之士以請託至者輒面阻之建闢利堂為說闡

其義養病泉畔稍閒即進諸生而教誡之復勒條約諱

復詳盡士風丕變

巡撫李國亮奉天海城人先任藩司因公過衛訪求民

瘼知五開地賦三上而當用水時恒為巡役所撓蒞任

